

盾
墨
拾
餘

盾墨拾餘卷四

哭龔叢書

易順鼎哭龔

電信共一百一十一函

乙未三月至九月

三月廿九山海關來

以下京師

劉峴帥

崇文門外高廟常德會館易實甫道台香帥致兄電云
日局如此閣下有何良策朝士有何嘉謀當道有何補
救祈速示洞儉等語合轉電聞請逕復坤鑒

三月三十寄山海關

劉大帥鑒消息嚴密似尙未決聞翰林內閣公車各上書
阻和當道無人望帥電湘帥商補救鼎

電信

盾墨拾餘卷四

哭龔叢書

四月初一寄山海關

欽帥鑒俄主電請暫緩畫押王貝勒兩書房總署疆臣均有封奏惟孫作梗都人頌帥電奏更望主持鼎明日陳遷守二策東

四月初二寄山海關

劉大帥鑒帥以拚命保京自任京必可保命必不拚望同夔帥覆奏以紓宸厪副眾望鼎冬

四月初七寄山海關

劉大帥鑒鼎書已奏懿意頗回帥宜電請普加戰餉兩倍以責死力有退卽斬陽

四月初七山海關復

馮莘垞侍御

高廟常德會館刑部周瑞翁轉交易實甫鑒消息如何
甚念帥已覆奏力任戰事兄一得確音迅卽回營帥極
盼莘虞

四月十二寄唐山

欽帥營務處馮鑒國書未出俄師臨崎大局一綫再諫卽
返祈稟帥鼎文

四月十七唐山來

劉峴帥

高廟常德會館易實甫鑒時局已定台從留京無益卽
祈刻日回營敝處相需甚殷盼切禱切坤洽

電信

盾墨拾餘卷四

哭盒叢書

四月十七唐山來

馮莘垞

繩匠胡同伏魔寺易大人實甫鑒緘今日到事已定奈何仁篠

四月十四復南京

督憲師鑒儉電謹悉廿九入都上書請遷請守請邸督師保倭不犯聯外援俄法斷內應苟斯不報將歸去鼎叩鹽

五月十九寄唐山

以下上海

營務處馮曾鑒據康侯言臺北失守民主已逃船電不通卽渡厦確探鼎效

五月十九寄南京

督憲師鑒本日附保定赴廈門規往臺灣回日趨叩鼎效

五月廿三寄唐山

以下廈門

營務處馮曾鑒本日到廈住萬安棧倭踞臺北唐走金陵
鼎漾

五月廿三寄南京

督憲師鑒住廈萬安棧請責唐蔑歸垂沙鼎漾

五月廿四南京復

張湘帥

萬安棧易道台順鼎來電潛歸下一字有誤唐此時確
在何處卽復洞敬

五月廿四復南京

督憲師鑒前電用邵議兵篇潛乃蔑誤聞唐往甯故望其
歸元海可嘉公掖之鼎願往候示敬

五月廿六寄唐山

營務處馮曾鑒劉鎮在安平林道在新竹均能抗敵惟無
餉無援確信難得帥安否北事何如祈示鼎宥

五月廿八唐山復

馮莘垞侍御
曾經鄂觀察

萬安棧易實甫觀察鑒密電悉尊駕請速回營仁熙

五月廿八復唐山

營務處馮曾鑒渡臺一探卽回祈稟帥鼎沁

六月初六武昌來

以下南京

陳伯嚴吏部

聚賢棧易實甫望來鄂商行止立

六月初八上海來

狀元境聚賢棧易大人鑒頃奉劉峴帥電飭式通轉致
易道云密侃函悉敝處於數日由廈門電局轉覆劉鎮
軍云制於朝命限於重洋無法接濟不敢相欺請其自
定行止至於內渡之旨早有明文無庸另議或謂臺地
糧藥自足卽土槍竹箭亦足支持倘得西洋舟師則全
盤振而大局鬆冀幸曷已達泉兄均此唐山庚等語遵
錄轉電劉式通

六月初九上海來

劉達泉太守

狀元境聚賢棧易實甫兄鑒昨日奉峴帥電飭云劉達泉太守台鑒密遼倭以臺倭求救甚急畏募不前有投井而死者劉鎮軍勦辦得力可以想見惜無接濟奈何易實甫陳笠唐兩君行止祇合聽其愼便祈轉致爲荷坤青等因爲此照錄轉電式通

六月十一寄天津

湘軍糧台毛鑒弟寓文正書院候峴帥右丈及兄示存款望匯交伯嚴附稟祈轉呈大帥鈞鑒庚青兩電祇悉台北易復而劉鎮苦難兼顧堅約職道助之職道本欲回家所遲遲者爲此然非有接濟及兵柄何能輕率再往伏乞鈞

示鼎眞

六月十二寄廣州

督憲譚鈞鑒劉鎮遣撤支紬蒙允惠濟顧全大局欽感同
深職道擬卽趨叩崇轅藉遂瞻韓之願順鼎敬稟文

六月十三天津來

毛寶君部郎

文正書院易實甫觀察鑒轉達峴帥右丈銀交伯嚴今
日匯訖蕃元

六月十四唐山來

劉峴帥

文正書院易觀察鑒頃得峴帥復電臺事每飯不忘苦
無兵餉接濟奈之何卽祈轉電實甫代達劉鎮軍善自

電作

盾墨拾餘卷四

五

哭龔叢書

爲計也坤元

六月十四天津來

陳右銘文

江西道憚峴帥勸實甫速回湘免生枝節爲要箴寒

六月十六武昌來

陳伯嚴

文正書院易實甫有要事仍望來鄂立銑

六月十九唐山寄上海

劉峴帥

輪船支應局劉達泉台鑒密日前以倭在海城多買藍
花旗布趕製中國衣巾恐其襲臺電請尊處密告實甫
轉致淵亭預爲防範曾否接到轉達祈速電復又聞臺
民已恢復臺北確否目下情形如何並祈電示唐山巧

六月十九上海來

劉達泉

實甫兄鑒頃奉峴帥巧電前次翰電閣下是否轉致淵亭預爲防範望速電復又聞臺民已恢復臺北確否等因事關軍務義切同袍祈電稟復峴帥並電示弟處爲要式通

六月二十復唐山

欽帥鈞鑒密翰電由厦轉已交劉鎮胞姪帶達湘帥頗願忌惟勸力圖台北收復信恐未確文帥允稍助擬卽赴粵容續稟鼎笥

七月二十三寄武昌

以下厦門

行台陳家信鄖信來否到厦劉使紛迎言臺中失黎退吳彭年吳湯興陣亡嘉義大捷彰化旋復劉盼甚無暇赴粵明日渡臺萬分危險惟餉可解務望設法交恪士速濟粒赴泉籌械望轉懇敬帥電黃立復源豐潤鼎漾

七月二十四寄上海

輪船支應所劉初九彰陷吳光亮黎景嵩走吳湯興吳彭年死民憤倭淫圍殺之遂復臺中劉志堅粵督召樺山說皆不應惟無餉遣使敦迎擬卽赴約祈轉電峴帥家嚴立復源豐潤鼎

七月二十四寄南京

師帥鈞鑒劉使相迎卽日東渡乞救二命誓復全臺並乞
令黃道回新坡圖犄角

七月二十四寄南京

此電係粒丈寄

奇望街憚連日大風雨昨抵厦探悉前因土奸勾倭大敗
嗣因倭淫虐復引官軍擊倭大捷嘉義危復安彰化失復
得已約猛甲義民夾攻惟望餉如歲實甫比帶六千金今
日赴臺南此正千鈞一髮稍縱卽失請卽日由源豐潤兌
銀十萬兩來厦疊等看事做事斷不浪擲疊亦卽赴泉不
日渡臺望復疊敬

七月二十四武昌復

陳伯嚴

源豐潤棧易道台望相機進止餉難濟世文卽游立敬

七月二十四上海復

劉達泉

密電悉卽轉電峴帥實兄行止務候峴復電爲妥通敬

七月二十五南京復

惲心耘觀察

敬電悉實夫帶銀赴臺南壯淵亭之氣最是惟必須與
軍門商定全局方有辦法奏咨許防乞借軍械軍門之
意如何速詳電再渡臺雖不能十萬三分之一自當力
籌電撥心徑

七月二十七武昌來

譚敬帥

源豐潤易道台漾電悉已電託黃宮保矣近事如何盼

極洵毯印

七月二十七上海來

劉達泉

源豐潤轉易寶甫兄密頃奉峴帥諭云寶甫赴臺派爲坐探尙在時局未變以前屢次屬其回營而不見聽因卽奏明離營請其自定去就於此無涉等因愚見仍乞寶兄以銷差爲正辦立復通沁印

七月二十八南京來

惲心耘

昨晚厦電譯不出劉楊大捷欣慰已籌辦法並銀一萬兩寄源豐潤泉事商妥速回厦與寶夫妥速商定詳示當如數籌備密電小本交寶夫或填一本交付亦可心

感

七月二十九泉州寄南京

以下兩電粒丈寄

奇望街憚徑感兩電均悉泉守卸軍門意殷力絀借撥又遙現派四人同渡臺臺事到廈再聞曩豔

八月初四廈門寄南京

奇望街憚軍械黃已商邊昨回廈易臺南來信劉有廿營到前敵甚利惟餉奇絀聞倭已退大甲臺北空虛現派數妥人前去察實義民擬帥令夾攻亦非餉不行頃收萬兩足徵信義務乞寬籌早寄始能放手然無把握不輕擲曩豪

八月初五開封來

崔季芬鎮軍

河南候補道易仲實兄鑒廷桂因公進省豫偏僻臺事
無聞近如何祈示印

八月初七南京復

惲心耘

蒙電悉次事穩慎一慰黃商邊如定議來咨必須指教
案土匪設防操缺借撥方免後患款力籌有緒如能確
有把握定不掣諸君肘請放膽行桂公接之電譯不出
何人發用何本乞查示陽

八月十一武昌來

陳伯嚴

已有密旨令南洋接濟老伯將到立軫印

八月十一寄武昌

以下仍廈門

行臺陳昨回換粒往助劉臺北亦有稟迎恪現密謀夾擊望相助電悉文撫湘賀甚家君到示知鼎軫

八月十一寄南京

奇望街惲陽電悉本日鼎回劉僅復雲林現六萬金復彰化餉奇絀前項立盡刻又急需五千金曇擬明日前去藉籌布置連日與俞潛集臺北義民首十餘人再四究商有萬餘眾在三角湧山中與生番鄰倭不敢入惟子藥全無已派人同去察實期夾擊聞有密旨令南洋接濟如確請回帥迅設法遲恐失機前黃商邊指閩撤六營械查廈無

電寄桂公鼎俞留望復軫

八月十二寄上海

輪船支應所劉昨回沁電悉聞有密旨令南洋設法接濟
現臺倭僅數千中多北少劉約義民圖收復得十營兵械
聲滬擊臺必成撤防之軍可資借否餉自辦懇帥示祈轉
電峴望復鼎文

八月十二復開封

崔鎮軍鑒臺南劉堅守臺北義民暗應惜無接濟屢失事
機公有奇策否鼎震

八月十三寄南京

電言

督憲師鑒勸劉進兵不行仍回厦臺北近番義民首領求
効密籌包剿酌許犒貲懇允十萬金並派各艦巡歷粵閩
藉壯聲威以圖牽制鼎阮

八月十三寄武昌

督憲鈞鑒毯電謹悉昨由南回劉餉竭頓兵中路與敵相
持北民渡海籲職道助資舉義可期夾擊聞密旨令接濟
此真中國轉機我帥公忠懇籌數萬金派員解厦爲叩望
復鼎阮

八月十三南京來

惴心耘

軫電悉無密旨聞合肥派人專探南洋務慎密先後其

二萬三千前電開支六千請詳示萬七用處以便向同人續籌文

八月十四復南京

奇望街惲文悉密旨有更應秘昨陳帶五千赴南餘萬二留籌北邊黃不接須粵購鼎鹽

八月十四武昌來

陳伯嚴

次申有餉五萬金可借解頃懇敬帥卽籌妥再告立寒
八月十五復武昌

行臺陳寒電感極聞十七封港如確局危急懇速撥決不
浪擲先謝敬帥次公鼎翰

八月十五寄南京

奇望街憚劉允前敵陳留臺南聞倭大舉需餉抵禦間不容髮懇籌濟鼎覃

八月十五南京來

張湘帥

易道台元電悉臺事奉旨不准過問濟臺餉械更疊奉嚴旨查禁此時臺斷難救且事必不能密萬一漏泄徒礙大局朝廷必然震怒且東洋必更加詰責要求豈不所損更多是欲爲國家而反累及國家也鄙人萬不能任此重咎閣下亦有不便此事關係重大務望權其輕重速離廈門從此不管臺事免生枝節爲要千萬切禱

洞願

八月十五南京來

張湘帥

亭仔下萬全堂樓上方先生熊轉頃折湖北譚中丞電
云閣下致渠電言敝處奉密旨接濟劉軍云云實堪駭
異敝處兩次奉旨查禁濟餉械安有奉旨濟劉之事不
知何人妄造訛傳此等謠言關係大局且臺民多在厦
門尤恐妄爲傳播若日本詰問朝廷如何能善了閣下
亦必受大累務望迅速離厦萬勿再管臺事以免煩言
千萬鯁納爲禱如必不肯速行鄙人惟有奏明請旨飭
令閣下回湘矣事關大局千萬鑒諒卽候電復洞咸辰

八月十六南京復

惲心耘

覃電悉同人事集鉅款非兩君同來不肯付務速來商辦心葉

八月十六復南京

督憲師帥鈞鑒奉兩電曷勝感悚受業致敬帥電但云聞密旨令接濟並未言南洋原電具存調查可證至傳播泄漏則更無其事縱不畏禍何樂害成耶殉母尚遙誼應侍父況師命諄切忍竟忘歸惟首邱之心變爲填海且臺北義民潛來請命布置初具端緒一身去就頗繫萬眾存亡功敗垂成尤覺足惜倘荷鴻慈准令稍留當益慎樞機以

免生枝節總期他日有面見師耳鼎叩復求誨示銑

八月十六寄南京

奇望街惲曇未回鼎卽來此閒事可否交震北民押產領
餉可否酌許祈示覆銑

八月十六南京復

惲心耘

有妥捷辦法非面商不可速偕實來甯卽刻起程以便
從速定議切盼速覆銑

八月十六武昌復

陳伯嚴

香帥復電無奉旨接濟事京電係訛傳敬帥困司道阻
撓次申憚不具撥可恨銑印

八月十七寄南京

奇望街憚鼎待陳偕來劉餉已竭憂內變倭彰退淡遁甚
確機眞可惜洽

八月十七寄武昌

行臺陳劉餉竭南有內亂憂北無更生望倭天與人歸可
歎頃聞彼彰退淡遁甚確不解機失尤足惜務懇暫假次
款敬帥生成鼎百叩洽

八月十八武昌復

陳伯嚴

敬帥受制無可望天窮人阨偕恪士速還嘯

八月十九寄南京

奇望街惲明日有船往南當召陳返並匯五千兩交劉聞
倭艦十一昨攻南又法德艦十八集北不知確否鼎效

八月二十寄天津

劉欽帥營務處曾鑒密函悉銀到帥德靡涯諭意尤感鼎
借杯澆塊妄思鍊石補天填海無名入山有願行且歸矣
劉餉竭斷難支倭不得民亦終亂昨聞臺南開仗疊東渡
未回可念祈轉稟帥代申謝忱鼎叩哿同事諸公均候

八月二十武昌來

陳伯嚴

文昨夕到日內往廬山相待望速還號

八月二十寄武昌

行臺陳家君何日遊山弟妹諸人來否北民公上副璽難
卻擬託籌餉暫還聞南已開仗中又大捷鼎哥復

八月廿一南京復

張湘帥

轉易道台銑電悉並無密旨接濟之事此說毫無影響
不知何妄人所造而閣下致鄂電乃云聞密旨令接濟
何大誤至此大約尊意仍以爲真有此密旨也且此語
已堪駭異電致鄂省卽難免傳播矣彼族聞之朝廷卽
不能善了真令人焦急萬狀何閣下視爲平常合肥委
員在鼓浪嶼偵探豈不知耶務望速回國家多難洋燄
方張再有枝節不能堪矣爲國爲身均須貴慎萬勿游

移洞號印

八月廿一寄南京

奇望街憚昨美艦由臺南到稱十七八兩日倭攻安平分
擊東港俱敗退陸尤大挫確甚務懇再籌一萬金鼓勵可
竟全功薄海同叩望復鼎箇

八月廿二寄南京

洋務局黃觀察密臺大捷北虛可圖懇商莘公速濟謝牧
稱劉小彭來祈勸林助家君到鄂鼎將還復禡

八月廿三武昌復

陳伯嚴

丈月內遊山僅妾從南戰何似有款望買真燕數斤禡

八月廿三寄武昌

轉運局薛觀察密臺水陸大捷殲倭殆盡有餉即可收復
公若借款功德在萬世義聲震天下保劉必還懇設法決
不相累鼎漾

八月廿四福州來

邊潤帥

源豐潤轉交易道台來函讀悉電本收到泉敬

八月廿四寄南京

奇望街惲廿二有北船繞南來陳倉猝未歸但告急昨始
有船往恐成尾聲不得已再匯七留五然無濟謝牧到現
與北民密籌惲遊擊亦赴北懇匯復鼎敬

八月廿四南京復

惲心耘

屢電悉敬電錯碼多詳示五路勝確否此處款久籌備
若無寒電稟已陸續接濟功虧一簣而敗惜哉奈何敬
八月廿五武昌復

薛次申觀察

淮餉萬難遲解頃別設法又未成計窮力竭奈何培立
徑

八月廿五寄南京

奇望街惲電悉五路勝屬虛安平尙能不敗彼艦廿餘退
泊澎湖陸則先勝後敗雲林又失劉遣子進援嘉義聞英
領事勸和甫議款後日陳回必定臺事一寒至此皆鼎之

罪然臺無罪請撤鼎救臺爲允錯碼祈指問徑

八月廿五復福州

督憲鈞鑒密敬電謹悉南洋無接濟職道偕陳主事昌曇
僅集私款二萬交劉臺北三角湧大平頂民屢勝倭因子
藥少又聞雲林再陷英勸講和故未動湘帥見責頗深擬
作歸計定局續稟鼎徑

八月廿五寄武昌

行臺陳老人住何處從者幾乘何船請辦杖頭陪游滬鼎
迎會燕淮帶湘帥責傳播阻接濟罪在我亦緣兄南大捷
北可圖望力籌詳復徑

八月廿七武昌復

陳伯嚴

丈住次申處念八附輪游山帶數僕往重九後返鄂諸事可放心沁

八月廿八寄南京

奇望銜憚曩回廿三四倭十餘艘逼安平嘉義並急英勸和未成廿五由鹽水港登岸適厦餉至懸賞鼓勵遂大捷斬獲數百危亦解劉致謝忱兼求恩濟存款現僅四千可否續付南如能支北當卽發淡新苗各處來信自備械求略助餉誓復臺謝令查屬實俞還滬鼎擬來甯均候示勘

八月廿八寄南京

王雪澂兄甯陸月捐生吳彭年已陣亡請撤通判案藉作撫卹望查復鼎勘

八月廿九南京來

惲心耘

唐兄回喜慰弟苦心籌畫已如願候捷卽續寄實發寒稟全局立散非實來難解弟心力俱困豈非天哉心勘
八月廿九寄南京

奇望街惲電悉前因允放膽已召來義首十數人皆憤勇殺敵著效現乘臺北空虛倭僅數百約期誓復藉解劉圍情真事確不能卻已將存銀先付起事鼎擬親探虎穴以贖寒稟重咎騎背難下仍懇速寄鉅款蘇臺命維大局豔

九月初一南京來

黃公度觀察

源豐潤易實兄來電譯不出願公且寬懷溫室怒已平
復韓氣亦衰成

九月初二復南京

鄂工局黃虎背今日事魚腹平生懷龍性我難馴鳳德公
勿衰

九月初二寄南京

奇望街憚廿八旂後失傷倭五艘安平三面受敵劉來函
誓不走如萬難支決入內山作草寇與遺民共存亡囑代
泣懇帥恩哀臺矜福北義首已去若無接濟不但廢前功

且釀奇禍款盡奈何亟乞籌示沃

九月初二寄武昌

行臺陳老人遊未旂後失安平危劉誓入內山餓死不救
無天理救無法因督北民速舉圖掣敵解圍兄宜念寒電
代求兩帥復沃

九月初二寄福州

督憲鈞鑒頃劉鎮函稱旂後失安平三面受敵恐難支誓
入內山以餓殍終囑代泣籲帥恩矜全指示昨文帥諭所
欠勇餉與帥互商懇電匯源豐潤轉交同深銜結北路倭
兵甚少現密資義民速舉藉緩南圍鼎叩沃

九月初二寄廣州

督憲鈞鑒職道順鼎稟覆諭謹悉頃劉鎮函稱旂後失安平三面受敵不能歸惟帥是福再生父母屬懇矜全代籌欠餉電匯厦源豐潤轉解免作窮荒債鬼曷勝號籲我帥爲國愛才扶持忠義海內同感乞賜籌復沃

九月初三南京復

惲心耘

旂後失雖傷五艘大局去矣近日消息何如恪還滬否易來甯否實告再商同人盡力報命心江印

九月初三武昌復

陳伯嚴

丈昨往廬山倩速還臺事至此萬無救法猶呼兩帥痛

極江印

九月初三福州復

邊潤帥

閩庫奇絀發棠匪易已電請文帥速助散勇渡廈資送之費則閩任之香帥機緘甚密是否別有良策示填亦已與電商矣泉江印

九月初三南京來

張湘帥

轉交易實甫閣下務速行萬勿在厦停留致生枝節謠言不可不防事已至此於大局無益有損若再不行只好奏明矣祈諒洞江

九月初四復南京

師帥鈞鑒奉江電感悚無地遵卽啓程來甯已電告閩粵
鄂回湘矣

九月初五寄南京

奇望街惲頤臺南難民潰勇紛來聞劉已內渡惟各處義
首均倚劉入山地險氣通心固可憑藉起事若如此未免
負百萬赤子且負公等維持籌畫一片苦心雲鼎受任無
功慙憤交迫現亟遣告各義首設法收束免致塗炭恪早
回餘來甯面陳歌

九月初五上海來

劉達泉

源豐潤易寶甫兄鑒姻伯派陳仁順守候臺從來滬速

侍廬山覆電通物印

九月初六復上海

輪船支應所劉三五日準歸請飭陳僕馳告家嚴鼎月

九月初七武昌來

陳伯嚴

臺南失劉內渡確否明日往滬候家君望偕恪士速還

遇印

九月初七復武昌

行臺陳劉稱入山實內渡北布置已妥可惜恪先還遇

九月十二寄南京

奇望街惲鼎糜款負任無面目見江東因臺靖海小輪前

留稟歸南洋擬扣來作抵已商楊提軍有賜電卽可得請
示遵辦文

九月十二寄上海

輪船支應所劉望後准返祈轉家大人並伯嚴陳張兩僕
去否示鼎

九月十三上海復

劉達泉

晤伯嚴云佑老望日到滬姻伯已回鄂祈速歸通問

九月十四寄武昌

轉運局薛大人聞家君已返鄂寓尊處否鼎准十六啓程
祈轉並復鹽

九月十六南京來

惲心耘

廈門提台楊求交陳笠堂易實甫昨易電云將輪船抵
江南義款眾人集貲救災如何扣抵殊不能解兄探明
劉出處速回是禱心銑

九月廿三上海寄武昌

薛鑒今日到滬料理畢卽返鄂侍家君歸里鼎漾

九月廿六上海寄武昌

淮軍轉運局薛鑒現須一到甯卽歸家君行止祈復輪船
支應所鼎

盾墨拾餘卷五

哭盒叢書

易順鼎哭盒

魂北魂東雜記

甲午八月十六日平壤之失及義州之失

倭夷背盟肇鮮襲踞朝鮮擊沈我高升運船 兩宮震怒
命將出師會兵於朝鮮國之平壤時統奉軍者爲提督左
寶貴統毅軍者總兵馬玉崑統西丹兵者副都統鄧升阿
而統淮軍者記名提督衛汝貴直隸提督葉志超亦由牙
山來會平壤道行巡撫事某尊禮上國日邀燕會每會必
列朝鮮倡優平壤距韓

朝鮮王京

五百里不虞倭人之猝至

也。鄴兵尤脆弱，土人笑其不禁磕碰戲，稱爲鴨蛋兵云。

八月初十日，聞倭人兵發平壤，左與葉相聚面商。左主戰，葉主退守。意見不合，左語憤激，葉唯唯謝過。

十二日，倭兵至平壤。馬軍四營陣於東，衛、鄴兩軍十八營陣於南，皆在城外。左軍六營守北山上，築礮臺與葉軍六營在城中，賊隔江來攻。諸軍迎戰甚利。志超忽傳令收隊，賊遂渡江，據山。志超欲棄城走寶貴，不許。

十六日黎明，賊大至，直撲南門。葉、衛兩軍遽張白旗退走。鄴軍遂潰。馬軍屢捷，勢孤亦退。左、寶貴守城內，見賊勢已偪，登山開放巨礮，傷賊頗多。而賊殊死鬪，鎗彈如雨。我軍

不支寶貴下臺取黃馬褂頂翎服之仍登山自行開礮營
官楊某挽寶貴下寶貴擊以掌無何我礮爲賊礮擊碎鐵
穿寶貴肋下寶貴裹創督戰忽一彈飛至中其咽喉撲臺
上登時陣亡楊某挾其尸欲自北門出而賊兵已入城塞
滿街巷楊某亦死亂軍中矣是日天大雨我軍乘而奔潰
倭人不暇尾追然賊於要隘處設卡伏兵伺潰軍過卽邀
擊之死者相枕藉諸將收殘卒退至義州又棄之退至九
連城距平壤五百里始停足安營焉方諸軍在平壤時騷擾無狀
及奔潰朝鮮人集城上以礮爭擊之而村落土民未受騷
擾之害者或解已衣授潰卒使得逃歸或傳爲虛時銘軍

十五營依克唐阿九營已過鴨綠江聞義州陷遂皆退
九連城係中國與朝鮮分界處中隔鴨綠江過江爲朝鮮
之義州我軍糧臺原駐九連城左寶貴以平壤米價較廉
將餉銀全行運去欲以銀易米遂盡爲倭所有矣

九月二十七日九連城之失

平壤旣退四川提督宋慶受命督辦節制赴奉各軍並
查辦衛汝貴失律之罪是時汝貴與葉志超馬玉崑鄭升
阿及提督聶桂林劉盛休總兵馬金敘候補道張錫鑾各
軍自安東縣至九連城斜長三十里密置營壘宋慶駐扎
距九連城十餘里之蝦蟆塘將軍依克唐阿堵防安東縣

東北之蒲石河一帶設後路糧臺於遼陽州糧餉由鳳皇城轉運軍火鎗礮則由營口轉運均在蝦蟆塘卸交倭夷聚朝鮮之義州與我隔一鳴綠江而陣此九月中旬事也倭與我約戰以十月朔日爲期

九月二十七日賊忽以大隊來撲搭浮橋渡江浮橋用鐵牌以螺絲接成或言以繩貫牛皮爲之我軍開放大礮擊斷其兩次浮橋惜水淺不能滅頂然賊亦未能徑渡也方竭力堵禦而賊隊潛以浮橋由上流偷渡旗營疏於防範頃刻閒賊已渡江矣賊旣渡江旗兵倉皇失措相率潰遁賊繞出安東縣我軍後路馬玉崑開礮迎擊賊退我軍尾

追賊掘地爲梅花坑蹲伏其中彼礮能擊我我礮不能擊
彼馬金敘率軍千人守虎兒山與賊對壘傷亡過半金敘
受傷至二十餘處與玉崑皆收軍退適奉衛汝貴拏問之
旨汝貴所統盛軍十數營乘時譁潰縱火焚燒軍械我
軍大亂九連城遂陷於賊

十月初五日鳳皇城之失及寬甸縣之失

九連城旣失宋慶自蝦蟆塘退走鳳皇城依克唐阿張錫
鑾退至寬甸縣聶桂林鄧升阿退至大東溝而劉盛休馬
金敘由大東溝至孤山由孤山至岫巖州節次退至海城
葉志超亦稱病入關路出海城寓牛莊者數日於是逃軍

潰卒勢如潮涌皆奔營口山海關兩路加以衛軍沿途肆掠所過之處雞犬騷然海城蓋平一帶居民逃避幾空畏官兵甚於畏倭寇矣孤山岫巖市商皆閉戶歇業聶桂林至出示曉諭始稍有信從者

宋慶由蝦蟆塘退至鳳皇城時已昏暮潰兵與土匪縱火於南門聲言倭人追至乘勢搶掠城中軍民惶亂宋寅夜退走至大高嶺駐軍

大高嶺距鳳皇城二百餘里距遼陽亦二百餘里

十月初五日倭兵至鳳皇城我軍棄城已四五日矣數日

閒寬甸亦失守

寬甸縣在安東縣東北距鳳皇城百餘里

十月初九日金州之失及大連灣之失

倭人渡鴨綠江後分三路進擾西路由海道抵皮子窩屬金

州登岸撲金州以窺旅順中路由孤山屬岫巖州登岸撲岫巖

州以窺遼陽海城東路由鳳皇城進兵撲大高嶺以窺遼

瀋時寬甸安東均已失守依克唐阿張錫鑾駐軍賽馬集

屬鳳皇城其地可由興京達瀋陽更在東路之東也宋慶使記

名提督聶士成總兵呂本元出大高嶺防東路之賊使聶

桂林鄺升阿赴岫巖防中路之賊使劉盛休馳援金州防

西路之賊

十月初九初十兩日金州及大連灣先後陷於倭守城者

爲金州副都統連順統兵者爲山西大同鎮總兵程之偉

副將趙懷業俱棄城走

十月十二日宋慶自領所部毅軍二千餘人偕營務處直隸臬司周馥由遼陽往援金州旅順至海城士卒頗疲乏而市肆不擾聞金州大連灣已失令周馥馳赴營口自領本軍及呂本元馬隊二百五十人馳赴金州

賊由東路進者趨連山關

鎮名在大高嶺南廿餘里

爲聶士成呂本元

所扼又從東邊寶馬集窺興京爲依克唐阿所扼皆不得逞依克唐阿之將侍衛永山壽山二人驍勇善戰又有韓邊外者山東人故金匪也後投誠改名韓效忠其黨頗多效忠死其孫韓登舉代領之奉天人仍呼登舉爲韓邊外

韓邊外之名爲敵所畏依克唐阿借其勇一千五百人防
興京至十一月將軍長順復借其勇一千人防盛京皆得
其力依軍旣振又招合本地鄉團共爲剿擊由是東路之
賊悉退保鳳凰城矣

十月二十七日岫巖州之失

賊由中路進者自孤山登岸至岫巖州東南之桂花嶺鎮名
距岫巖百里其地有復來社本岫巖地撥入金州後又撥歸岫
巖故名復來也居民皆習淘煤俗呼爲煤黑連村數十自
練鄉團賊來犯之鄉團極力堵禦以擡槍斃賊無算自十
月中旬至下旬相持甚久賊不敢輕進

十月二十五日賊始抵岫巖之南郊聶桂林鄴升阿皆駐軍於南門外距城三里許

二十六日賊隊至聶軍迎擊之

二十七日黎明賊分兩路一逕撲南門一繞攻北門鄴軍遽退聶軍繼之岫巖州城陷是役也賊兵不過千餘半倭兵半高麗兵倭衣青高麗衣白我軍失大礮九尊

十月二十九日旅順之失及復州之失

三路之賊東路中路皆不過千餘惟西路爲賊大隊號稱五萬旣得金州大連灣遂窺我旅順船塢

十月二十九日西路賊攻旅順道員龔照璵棄船塢逃諸

將黃仕林衛汝成姜桂題程允和徐邦道張光前之軍皆潰旅順陷宋慶棄復州退熊岳保蓋平未幾復州亦陷正定鎮總兵徐邦道在諸將中較爲能軍旅順之役邦道獨奮勇迎敵事急痛哭求援於諸軍無一應者

是日聶士成呂本元克復連山關殪倭酋富剛三

十一月十七日海城之失

中路之賊旣陷岫巖將攻海城鄴升阿聶桂林兩軍退至龍鳳峪距海城六十里馬金敘一軍駐析木城在海城南四十里記名提督蔣希夷率兵二千人由營口來駐八叉溝在海城東南五十里海城城中市肆民房官兵皆據之

騷擾無狀民不堪命逃避爲之一空

十一月十五日賊前隊至龍鳳峪聶軍禦之

十六日賊又至龍鳳峪鄴軍聶軍俱退至鍾家臺

在海城南十二里

賊進至八叉溝蔣軍略戰卽退賊進至析木城馬軍退

至毛祁屯

在海城南十五里

時已日暮諸軍遂入城大掠劫商民

財物縱獄囚城中鼎沸

十七日已刻賊進攻海城懸礮於攔河山頂

山在海城東南五六里

聶軍懸礮於玉皇廟山敵之

山在城東南隅里許

相隔三四里聞礮

數聲鄴軍退聶軍亦下山退至城北一里餘之雙山又開

礮數聲相率而退海城遂陷於賊

十二月十五日蓋平之失

蓋平南通金旅北界海城東接岫巖三面受敵守蓋平之軍爲山東登州鎮總兵章高元記名總兵張光前章軍四千人張軍三千人分駐南關外以橋東西爲界

十一月十七日至廿一日賊由岫巖犯蓋平東三十里之牽馬嶺俱爲我軍擊退

十二月十三日南路賊大至我軍迎戰卻之

十五日南路賊數千分數路進攻蓋平踞鳳皇山頂開礮下擊章軍部將提督楊壽山副將李仁黨參將張奉先均奮勇血戰殺賊無算忽岫巖海城賊數千人由蓋平東路

槐樹溝突出亦分數路猛撲高元自禦南路之賊使壽山等禦東路之賊既而兩路賊合爲一調行礮數十尊排列轟擊壽山仁黨奉先先後歿於陣將士傷亡七百餘人張軍旣不相援應且先退章軍不支遂退至新開嶺而賊又陷蓋平矣是役也高元以八營禦敵兵兩萬雖敗劒失地論者以眾寡不敵原之且推壽山仁黨奮不顧身爲開戰以來第一云壽山仁黨皆湖南人壽山故張曜部將仁黨故陳士杰部將也

倭踞蓋平後擇青石關新開嶺三塊石海山寨等處各築礮臺以扼我軍聞我大軍將攻海城全隊皆掣回所留踞

蓋平之賊僅千數耳

十二月二十五日榮成之失及文登甯海之失

十二月二十三日倭船過登州開礮數聲而去

二十五日倭以運船四十艘載陸兵由落風港登岸

由龍

須島撲榮成縣副將閻得勝等所駐之軍皆潰城遂陷縣

令楊某闔家皆及於難倭進至橋頭我軍退駐上莊

距甯海州

二十餘里倭逼上莊將由陸路攻威海山東巡撫李秉衡使總

兵李楹禦之未幾賊又陷文登甯海秉衡出駐萊州

乙未正月初五日威海南岸之失

候選道戴宗騫統領綏字四營鞏字四營綏鞏新軍兩營

駐山東威海衛宗騫駐北岸總兵劉超珮分統數營駐南岸

正月初五日倭以水師載陸兵於威海東口之東二十餘里登岸會合榮成東來大股撲南岸礮臺綏鞏兩軍倚長牆禦戰傷亡甚多勢不能敵海軍提督丁汝昌乘靖遠艦率鎮南鎮西鎮北鎮邊五艦及雷艇快艇向倭隊轟擊始解其圍而南岸三礮臺已爲倭海上之兵攻入宗騫退守北岸三臺超珮稱左腿受傷昇赴劉公島醫院

正月初八日威海北岸之失

倭既據南岸礮臺遂以我龍廟嘴之礮擊我海軍艦艇廣

丙艦大副藍翎都司廣東大鵬協標右營守備黃祖蓮中礮陣亡

初六日汝昌恐南岸鹿角嘴龍廟嘴兩礮臺之礮適爲敵資使來遠濟遠兩艦自擊之未得轟盡

初七日北岸北山嘴礮臺兵潰汝昌往商宗騫自毀北三臺之礮是夜宗騫吞金死

正月十七日威海劉公島北洋海軍之失

正月初八日汝昌使各雷艇焚北岸渡船

初九日南岸三臺之礮倭已修好與口外倭艦水陸夾攻我劉公島戰艦島艦禦戰竟日傷亡甚多夜間倭以雷艇

來衝南口爲劉公島日島各礮臺快礮所禦擊而退

初十日夜五鼓倭雷艇乘月落後潛入南口擊傷定遠艦各艦艇急起禦敵獲倭艇兩艘

十一日天明定遠艦沈倭以艦二十二艘攻於兩口之外我軍與賊互有傷亡

十二日寅刻倭以雷艇六艘傍南岸山根偷入南口擊沈來遠威遠兩艦及寶筏小火輪官弁傷亡二百餘人至午後倭於北三臺山頂設快礮擊我黃島及艦艇汝昌派四船並黃島之礮回擊之島上居民數千人麤集碼頭哀求生路汝昌撫慰方散

十三日寅刻倭以六艇衝兩口爲我軍擊退天明後倭艦三艘衝入東口我軍又擊傷之日島兩礮爲倭礮擊毀藥庫被轟弁兵傷亡三百餘人早閒開戰時我大小雷艇十三艘及利順飛霆兩小輪皆逃衝出西口而去

十四日寅正倭六艇又衝入兩口爲我軍水雷所擊未中而逃天明後南三臺倭礮又攻我島艦靖遠傷亡四十餘人島中學堂機器廠煤廠民舍均被毀傷島民及各船水手均環跪求生汝昌告以若救兵十七不至屆時自有生路決不失信

十五日大北風天明倭以四十餘艦全至東口海外排列

以戰船在前開礮勢將衝入東口又以南北兩岸之礮夾擊我島艦北岸皆子母彈紛如雨下南岸皆大礮開花子鋼子至午初靖遠爲趙北嘴二十八生的大礮擊沈汝昌與副將葉祖珪跳而免弁勇中彈者血肉橫飛入海是日島艦共傷亡一百餘人我黃島大礮亦擊毀鹿角嘴倭大礮一尊劉公島礮臺擊傷倭兩艦

十六日寅正大雪倭雷艇四艘乘雪偷進西口放雷未中爲我小礮擊退至辰正兩岸倭礮又擊島艦至午初而止兵民受傷數十人午後汝昌及總兵劉步蟾自以水雷將已沈之定遠轟散又以廣丙魚雷轟散靖遠是夜步蟾仰

藥死

十七日寅初倭雷艇又乘風雪進兩口放雷未中仍被我小礮擊退天明後倭各艦與兩岸倭礮又水陸夾攻已刻倭艦十餘向東口衝入我東礮臺大礮擊傷其兩艦倭艦方退南岸倭礮猶猛攻不已至未初我東礮臺大礮兩尊皆爲南岸倭排礮所轟毀兵勇血肉飛貼滿牆或碎衣尙存尸骸散落滿地至晚汝昌接電信催令衝出知援兵無期而倭戰艦雷艇布滿口外我艦行海本鈍又皆重傷勢不能衝出重圍水陸兵勇以十七之期已到不肯再戰汝昌使人將鎮遠艦用水雷轟沈亦無應者夜閒倭艦艇又

來攻擊我康濟艦中礮受傷汝昌乃函告倭水師提督伊東謂本意決以死戰至船盡人沒而後止因不忍貽害軍民萬人之性命貴軍入島後中外官兵民人等不得傷害均應放回云云使廣丙管駕程璧光送往伊東艦中是時汝昌已與總兵張文宣先後仰藥至晚俱死
十八日威海各島艦俱陷於倭北洋海軍盡失

二月初八日牛莊之失

南洋大臣兩江總督劉坤一奉 命節制關內外防剿諸軍以 欽差大臣駐山海關正月十五日抵關時關外諸軍則吉林將軍長順二十營駐遼陽聶桂林鄧升阿兩軍

歸長順整頓奉天候補道張錫鑾十營三營駐遼七營紮懷仁通化前臬司陳湜湘軍十營由山海關甫赴遼此爲遼陽之軍會辦奉天軍務廣東提督唐仁廉新募二十營未齊爲瀋陽之軍黑龍江將軍依克唐阿二十二營駐大高嶺爲大高嶺之軍直隸提督聶士成十營總兵呂本元十營孫顯寅十營馬金紋十營耿鳳鳴四營駐摩天嶺此爲摩天嶺之軍幫辦軍務四川提督宋慶三十營未齊總兵宋得勝馬玉崑姜桂題程允和各分統數營又徐邦道十一營章高元八營劉鳳清十營劉盛休六營龍殿揚五營李家昌五營張光前三營蔣尙鈞五營劉世俊四營道

員李光久湘軍五營此爲前敵駐牛莊營口一帶之軍湖北提督吳鳳柱七營副都統沙克都林扎布數營駐錦州此爲錦州之軍幫辦軍務湖南巡撫吳大澂親軍七營前藩司魏光燾十營總兵余虎恩十營提督熊鐵生十營吳元愷四營道員左孝同五營編修曾廣鈞三營此爲自山海關初赴前敵之軍以上二百數十營皆爲關外之軍副將卞得祥六營總兵潘萬才四營賈起勝八營王可陞數營劉光才五營提督申道發五營馬心勝八營此爲山海關樂亭一帶之軍提督何永盛六營總兵鄭國俊副將王得勝各數營吳殿元三營李大霆三營提督曹克忠三十

營未齊宋朝儒四營此爲天津之軍總兵羅榮光八營韓照琦三營爲大沽南岸之軍提督鄭崇義副將史濟源等六營爲大沽北岸之軍總兵吳育仁四營吳宏洛六營王連三兩營爲大沽北塘之軍提督程文炳二十營董福祥十八營總兵閃殿魁十營賀星明七營爲拱衛近畿之軍總兵牛師韓七營李永芳六營丁槐五營李占椿五營楊文彪五營萬本華五營陳鳳樓數營爲已經奏調尙未到防之軍以上一百數十營皆爲關內之軍共計四百餘營設東征糧臺於天津臬司胡燞棻領之後又於天津增設湘軍東征糧臺藩司陳寶箴領之

宋慶自蓋平失後率諸軍退駐營口規復海蓋依克唐阿
長順兩軍併力進攻海城聶士成守摩天嶺屢敗撲嶺之
賊賊不能越嶺取遼陽而遼陽知州徐慶璋練民團數營
招集韓邊外之眾名敵愾軍亦爲賊所畏賊聲言必取奉
天度歲語竟不驗其計頗窮劉坤一旣奉 命督師請以
宋慶吳大澂幫辦軍務 朝廷許之大澂銳意立功甫出
關謂海城旦夕可復於是會攻海城之役

正月二十七日諸將會攻海城依軍長軍廿餘營分駐大
小費屯古城子耿莊迤北一帶爲由北路進攻之師徐邦
道吳鳳柱淮鳳兩軍共十六營分駐大小馬頭東西柳公

里一帶爲由南路進攻之師李光久老湘五營分駐東三
台中陽堡記名提督劉樹元統大澂親軍六營分駐四台
大堡屯榆樹堡爲由牛莊中路進攻之師大澂自駐田莊
台魏光燾武威軍七營則甫抵牛莊又爲中路之後路時
宋慶亦至田莊台是日聞倭掣葢平之兵救海城遂督毅
銘等軍乘虛攻大平山賊壘程允和先登姜桂題自山後
包抄將大平山奪回擊斃倭兵二三百名餘寇遁走宋奏
報稱南路海山寨西海口等處又由金復添來悍寇數千
恐其抄出我後襲奪營口臣明日仍督馬玉崑程允和姜
桂題之軍由大平山相機進剿留毅前軍宋得勝嵩武軍

劉世俊等營備禦海山寨等股撲犯營口臣大澂所派愷軍礮隊到齊分勦大石橋等股以期力取海蓋今日劉樹元各營會攻海城俟有捷音再行續奏等語愷軍礮隊者副將吳元愷所部本隸大澂大澂謂攻海城之兵力已足使元愷軍往營口備宋慶調用然攻城宜用礮隊或以此咎大澂失策云

二十八日諸軍會攻海城城外八里有亮甲山高於城數丈倭人以全力守之礮位叢密不可嚮邇又有唐王山距城十二里埋礮亦甚多我軍必先奪此兩山攻城方可得手戶部主事晏安瀾者陝西進士大澂門生也以膽略自

負好大言請令節制諸將先往偵敵督戰大激許之使至牛莊適徐邦道奉調當赴營口李光久奉旨派赴摩天嶺皆不願往愆恩安瀾言海城易取留其軍攻海城安瀾大喜遂嚴促諸軍更番出隊搶山攻城而諸軍實懷觀望彼此推諉賊狡譎見我軍往攻卽堅伏不出約我軍進至彼礮可擊之處卽用炸彈轟擊一發輒傷數人或伏槍隊數十百人於雪溝冰坎中突出狙擊我軍屢有損失惟老湘軍火箭頗稱利倭隊至三台子放哨者爲火箭射斃三人是日大激致書倭酋勸其歸降募一廟祝持去又張投誠免死示於海城二里許之安村堡

三十日大澂函告劉樹元云黃夜搶山所辦甚是但須多製小白旗均寫吳字將旗偷插山上則賊必皆驚而走矣是日宋慶亦由大平山乘雪分三路進兵倭以三路來敵旣而三路合攻中路宋慶被圍墜馬傷腰馬玉崑闖圍再入拔宋慶及其親兵三百人出我軍傷亡甚多大平山復失其半

二月初一日有電 旨寄軍中云 朕欽奉 皇太后懿旨現在關外大軍雲集各營槍械亦齊聲威較壯海城距賊毘連處經依克唐阿等攻勦兇鋒已挫亟應聯絡各營鼓勵士卒齊心併力迅圖克復海城再行合軍南勦次第

肅清宋慶吳大澈依克唐阿長順當不分畛域共矢公忠
以期迅奏膚功同膺懋賞無負深宮諄諄告誡之至意勉
之欽此

初二日倭犯大高嶺孫顯寅呂本元電稱嶺防可危長順
徐慶璋又函報吉洞峪有賊數千撲遼南且由蓋平岫巖
添來悍賊數千巨礮四十餘位木箱軍械車百餘兩乘坐
大轎賊酋一名請依軍撥隊回顧後路長軍已派四營先
去依軍隨派一營馳去

初三日徐邦道吳鳳柱李光久劉樹元之軍會攻八里河
賊壘就搶唐王山大澈使晏安瀾督之唐王山在海城西

南數里八里河則自東而西繞山之南時河冰凍合人馬可行沿河兩岸有村堡數處賊旣據山作堅壘其附近山下之戴家堡龍潭堡亦皆有賊伏焉各軍旣出邦道淮軍十營分爲兩大簇向戴家堡龍潭堡如牆而進李光久老湘軍三營吳鳳柱鳳軍在其左劉樹元所部饒恭壽之營在其右甫進數步槍礮齊施堡內伏賊百餘爭向山上奔走徐軍遂入龍潭堡安瀾促劉軍在右者越次入之遙見山上之賊環壘植立二三百人我軍槍礮不絕而賊迄未還擊比再進則賊礮已傷我軍數人各軍紛紛欲退邦道立所部礮隊之後喝令燃礮喝聲未絕賊礮穿邦道之右

而過劉軍副將劉雲桂中礮陣亡旋又一礮落邦道礮車之前邦道乃飭礮隊退後已亦策馬退走一時大隊潰若山崩賊以礮從後轟擊幸未相追逼僅徐軍陣亡哨官一人鳳軍陣亡營官一人是日賊又分股先後撲犯大小費屯大小河沿小王屯諸處爲依軍侍衛德英額壽山所擊卻壽山奪回眼架山就山兩壘斃賊甚眾自午至酉始收隊劉樹元親率兩營攻東路安村堡賊壘以牽賊勢獲賊酋岡本勇一名送之安瀾安瀾遂攘爲己功告大澂稱大捷

初四日大雪崇朝平地深二三尺丑刻賊由城北出萬餘

人三面猛撲眼架山依軍諸將壽山德英額扎克丹布貴
權等分投應敵戰至天明斃賊不少賊已敗去復添股猛
犯槍礮雨注傷亡營哨官及兵勇甚眾午刻我礮被賊擊
壞三尊劉樹元等分軍援應亦傷數人賊由棲鳳河抄我
軍後路同時長順亦在東路甘泉堡與賊接仗幸西路各
軍救應賊始撤去申刻我軍收隊而賊七八千已由甘泉
堡東去逕趨鞍山站陷遼陽南路之興隆溝隆昌洲遼陽
大震

初五日長順依克唐阿皆退軍援遼海城北路遂虛魏光
燾所部武威軍甫盡抵牛莊是日倭已至下嶺子距遼陽

四十餘里同時又犯大高嶺

初六日魏光燾與晏安瀾及諸將會議攻海城時城外賊巢西南則有唐王山亮甲山迤北則有徐家園皆堅固大壘於是議以李光久由中央堡出二台子攻亮甲山劉樹元由安村堡攻徐家園會合李軍攻海城西門徐邦道由石村堡攻唐王山並分隊攻海城大南門魏軍數營由大小費屯攻海城北門分數營與鳳軍爲四路接應諸軍以夜二鼓時銜枚疾趨襲奪賊壘然後發號張旗幟取城約既定忽聞賊數千已至二台子將攻前敵光久亟馳告樹元樹元又馳告安瀾安瀾以熟寐置之至夜賊竟未來而

諸軍亦逡巡不進

初七日辰刻魏光燾率軍至四台子踐接應諸軍之約聞
竄遼之賊乘北路空虛以大股馬隊由耿莊子乘虛逡撲
牛莊圖犯各軍後路時各軍糧臺輜重盡在牛莊光燾亟
折回賊馬已踰甘溝距牛莊六里前鋒馬隊百餘方過小
五台適光燾所部馬隊折回橫掠而過賊遂放槍一排退
回甘溝步賊數千則分踞古城子古樹子朱家窪一帶
初八日黎明賊分三股來撲牛莊魏光燾率軍抵禦西北
一股左右營接戰中營繼之賊以排槍炸礮抵死抗拒彈
如雨點士卒中彈者如牆而倒我軍以劈山礮洋槍對擊

前虛後進斃賊亦多左營營官總兵余福章受傷坐地猶持刀督戰旋復中礮陣亡右營營官提督沈寶堂兩臂中彈皆折幫帶參將陳勝友戰死中路賊數約踰三千炸礮更多光燾自率大營礮隊衛隊以格林連珠礮二礮開花礮抵擊賊愈積愈厚伏首鑽進礮雨橫飛大營營官總兵蕭有元身中礮傷東北路賊股始伏樹林間施放槍礮魏軍前後營進擊亦伏河溝間恃土牆爲障誘賊及近擊斃甚夥賊馬步麕至肉薄鏖戰前營營官總兵龍恩思受傷甚重昇入民舍後營營官副將羅吉亮傷頰及足幫帶遊擊魏極富陣亡時諸軍在前敵攻海城者尙不知牛莊戰

事李光久方於是日寅刻率所部全軍五營退回牛莊過四台子晏安瀾且叩頭留光久攻海城光久不允及抵牛莊始知戰事而魏軍已敗賊已入莊光久遂令各營分爲三路以前左營爲右路向關帝廟等處攻入以右後營爲左路向海神廟等處攻入一進街口卽與賊巷戰前賊敗退後賊紛來槍礮雨密賊又從兩旁擁出與我軍幾莫能辨血戰竟日各街口皆被賊縱火斷我軍出路時已二鼓子彈俱盡光久率隊突圍而出後營管帶提督譚桂林擊賊至海神廟遇大股自教堂衝出頭中礮子登時陣亡左營管帶提督賀長發小腹受傷前營幫帶提督鄧敬財礮

中胸腹陣亡官弁士卒傷亡殆盡牛莊遂失湘軍十二營全軍覆沒光燾光久僅以身免

初九日吳大澂自田莊台退駐雙台子田莊台及雙台子距牛莊皆九十里而由雙台子可抄田莊台之後大澂退駐殆以此云時劉樹元徐邦道之軍由海城退回宋慶自營口又遣吳元愷之軍來衛大澂是日皆至田莊台大澂已先去

初十日宋慶大軍聞牛莊之失潰於營口倭陷營口宋慶退走田莊台

十一日倭犯田莊台宋慶擊敗之斃倭六百餘人

十二日倭陷田莊台宋慶退走雙台子吳大澂退走錦州
十三日倭陷雙台子宋慶退走石山站

三月初二日澎湖之失

澎湖一島爲閩臺鎖鑰倭欲窺福建必先據臺灣欲據臺
灣必先得澎湖甲午秋臺撫特奏請以澎湖鎮總兵周
振邦督辦澎湖防務總統宏字營及西嶼媽宮金龜頭大
城北礮隊等營福建候補知府朱上泮會辦防務統領撫
右營衛隊營防軍前後營及紗帽山礮隊等營澎湖廳同
知陳步梯亦幫辦防務乙未春海疆戒嚴正月十二日防
軍後營營官朱榮昌開駐鐵河嶺二月二十一日前營營

官朱朝貴開駐雙陸館二十二日有法國兵艦一艘來泊以埽墓爲詞其頭目登岸會振邦上泮步梯因徧測海道閱礮臺皆莫能禁次日振邦等畚拜登舟彼卽將諸人像以西法暗照而去後始知卽倭酋伊東坐艦假託稱法船也

二十四日倭兵船七艘泊西嶼口人心惶懼遷徙一空二十五日倭船避風開去或言在筆架山停泊朱上泮前營進駐武坑

二十六日上泮自率右營填駐雙陸館

二十七日早倭艦九艘在大城北礮臺海面上下遊弋來

往測水辰刻又來四艘卽升旗開礮攻我礮臺先燃四門
我礮臺開礮還擊一時煙焰漲空聲振山岳戰至午我礮
擊傷賊艦一艘將沈有二艘亟挾之去遂停戰甫半時賊
又來攻礮益猛烈自辰至申約放三百餘彈皆擊礮臺之
前後左右朱上泮前營在武坑山上後營出隊至武坑後
山上距敵船甚近礮均未及守大城北礮臺者爲周振邦
之宏字營粵軍也因礮力不及僅陸續放過三十餘門竟
能擊中賊船相持至四時之久官兵弁兵勇無一退遁亦可
嘉矣乃賊乘猛攻礮臺之際分股暗載偷入龍門港振邦
所部左右營守港拒戰不支求朱軍相救不應賊乘小舟

已退復登岸我軍遂敗潰賊逕趨太武山據之時賊軍火未齊雖登岸不敢犯我且惟恐我軍之往攻彼也各軍若協力圍攻賊可聚殲而上泮聞賊登岸遽往紗帽山收隊回雙陸館徧皇無策至夜振邦邀上泮至大城北礮臺議事上泮慮雙陸館不能守於夜二鼓率所部齊至礮臺賊由龍門港登岸者或稱四千人以布爲數百小舟每舟載十數人而渡三月間余在渝關大營見諭旨言倭攻澎湖以氣毬載鐵板作小礮臺飛登山頂下擊我軍詫爲異聞後至廈門遇上泮詢之乃知無是事但用布船耳

二十八日早賊分兵艦爲三列來攻大城北礮臺振邦上

泮所部各營皆觀望不前金龜頭媽宮各礮臺僅開數礮
惟撫右營竭力抵禦兩哨哨長中礮陣亡兵勇死者無數
僅存數十人振邦上泮受傷退走兩軍悉潰倭遂登岸振
邦逃至丁山步梯逃至北山上泮敗走入城倭酋伊東將
追及之上泮逃往西嶼匿民間雇船渡海至廈門得免
二十九日駐紗帽山礮隊營管帶宋尙傑挈眷屬輜重遁
駐猪母水衛隊營管帶郭潤馨前營幫帶郭俊山等斂兵
降倭

三月初一日賊陸軍指揮官率中部兵至紗帽山驗收軍
械凡槍礮俱屬置空屋子藥俱傾棄海灘

初二日我軍諸將尙有在西嶼者倭酋伊東從城中作書
勸之降使郭潤馨持去比賊船至西嶼諸將皆已逃往臺
灣廈門賊燃兩礮見寂然無聲遂入口登岸踞澎湖鎮總
兵署出示安民免租一年改澎湖廳同知署爲民政廳勒
民購門牌書大日本帝國順民某某時賊患黑瘟死者無
算

四月十四日換約始末

三月中旬合肥屢電云倭不受商 上震怒有手諭一道
云倭人要挾無厭朕當親率六師與賊決一死戰王大臣
等可妥籌辦法奉 皇太后暫幸五臺駐蹕云云經樞臣

痛哭封還 上亦痛哭而罷

三月二十七日合肥專人送和約到京

二十八日濟寧捧約偪 上批准海鹽和之 上遲疑不

允經高陽常熟俱力爭請緩高陽免冠連扣不止乃罷是

日外間尚不知故無封奏

二十九日封奏九件上諫垣四 國子一 翰林二 一

齋一 均聯名是日奏上為震怒召見汪侍郎有昨日

者共一百二十餘人誤之論是日軍機起上濟復復捧約以進被 申飭於是頗有廢約之議連日疏爭

者不絕王公亦有之 上意欲廢約頗決

四月初三日 慈聖見 上并慶邸有云外論如此祇可

廢約議戰嗣又問劉王兩帥云何戰有把握否是日上見樞臣卽宣示祇可廢約議戰之懿旨而慶邸固爭以爲懿意非是嗣又謂懿語如此懿意不如此若證上之誑語者上無以折也濟寧碰頭謂戰萬無把握而和則確有把握詞氣激揚與慶邸相和於是乃定議專恃外議如何爲進止是日上於慈聖前又敷陳西遷之議慈聖微笑搖頭謂可不必嗣又云和戰之局汝主之此則我主之

督辦軍務處奉旨問劉王兩帥云新定和約條款劉坤一王文韶諒皆知悉讓地兩處賠款二萬萬皆萬難允行

之事而倭人恃其屢勝堅執非此不能罷兵設竟決裂則北犯遼瀋西犯京畿皆在意中連日廷臣封奏甚多皆以和約爲必不可准持論頗正而於瀋陽京師兩地重大所關皆未計及如果悔約卽將決戰如戰不可恃其患立見更將不可收拾劉坤一電奏有云戰而不勝尙可設法撐持王文韶亦有聶士成等軍頗有把握必可一戰之語惟目前事機至迫和戰兩事利害攸關卽應立斷著劉坤一王文韶體察現在大局所繫及各路軍情戰事究竟是否可靠各抒所見據實直陳不得以游移兩可之詞敷衍塞責欽此此初一日事也

連日樞意爭持不決專候劉王報及恭邸銷假

初六日王夔帥報到總署時正會科士達翁李均在座濟甯閱報大笑曰我說何如翁李相顧失色無一言

初七日恭邸欲續假 慈聖令李總管至邸傳諭勿許謂時勢如此不得推諉言外謂如不出卽是阻撓和局時批准之議已定矣

日來俄德法三國居間僉云中國不可割地西例兵力所不能取不能割以與人今中國棄臺灣於各國有礙恐敗壞萬國公法之例又中國旣賠倭兵費而遼南之地仍割與倭亦爲公法所無以此二節各國不能允許俄意視遼

南尤重爭之最力於是樞不得已屬三國電倭再商尙未
得復而天津報海嘯又至濟寧乃據以徧上詞色俱厲
各樞不敢有異詞遂不候各國覆語竟定批准矣

初八日恭邸銷假四小樞劫之上合詞請批准上猶遲
疑問各國回電可稍候否濟堅以萬不可恃爲詞恭邸無
語乃議定眾樞在直立候上繞殿急步約時許乃頓足
流涕奮筆書之時天無雲忽雷震雨雹片刻乃過卽其時
也哀哉

是日俄使告總署云倭款可商已有電來請少候不應
海
屢詣俄催相商問俄使要把握俄使云貴國卽必欲批准
亦不能相強祇可各辦各事耳於是海鹽欣然回謂俄許
佳已

我批
準矣

初九日和約用寶是日法國電覆亦云倭事可商且自任
保護臺灣不應亦不上聞用寶畢卽交伍道星馳遞津當
晚卽行

於是俄復電來云倭已允退遼南地方復有展限換約之
議 上屬榮仲華詣各館相商榮大臣往復數四美使田
貝允爲電致倭廷

十三日有電寄仍備戰事而俄覆允展限五日於是有
改約之勢濟怒甚

十四日忽有 旨仍如期換約外聞惶駭但聞慶邸來樞

直與眾耳語不知何詞乃盡翻前兩日之局仍不候三國

調停如何亟與換約

換約時副以照會之件申明遼臺兩項恐有不能如約之事據聞倭使已

受之去而樞語人謂此照會倭人必阻並未收受此亦不可解事也

是日七點鐘電寄煙臺飭伍廷芳交國書換約

先是上批約後有朱諭一道諭軍機大臣云臺民不肯服倭其俄法德三國來言又僉以割地爲不可今此約雖經批准將來如何辦法合應隨時修改可錄入照會致倭云云樞竟將此諭廢閣謂我家皇上之言威令何能行於彼國豈不可笑

十四日後常熟仍欲將此諭補一照會致倭以眾笑其迂

而罷不知此爲改約之章本將來轉圜最要關鍵也乃竟置不行此係海鹽口述者

換約後卽曰有 硃諭宣示云近自和約定議廷臣交章論奏謂地不可棄費不可償仍請廢約決戰以冀維繫人心支塏危局其言固出於忠憤而於朕辦理此事熟籌審處萬不獲已之苦衷有未深悉者自去歲倉猝開釁徵兵調餉不遺餘力而將非宿選兵非素練紛紛召集不殊烏合以致水陸交綏戰無一勝近日關內外事情更迫北則近偏遼瀋南則直犯畿疆皆眼前意中之事瀋陽爲 陵寢重地京師則 宗社攸關況二十年來 慈闈頤養備

極尊崇設使徒御有驚則藐躬何堪自問加以天心示警
海嘯成災沿海防營多被衝沒戰守更難措手是用宵旰
劬皇臨朝痛哭將一和一戰兩害兼權而後幡然定計其
萬分爲難情事言者章奏所未及詳而天下臣民皆當共
諒者也茲批准定約特將先後辦理緣由明白宣示嗣後
我君臣上下惟期空苦一心痛除積弊於練兵籌餉兩大
端實力研求亟籌興革毋稍懈怠志毋騖虛名毋忽遠圖毋
沿積習務期事事核實痛戒具文以收自強之效於內外
諸臣實有厚望焉

附第一次約稿

第一款中國認明朝鮮國確爲完全無缺令獨立自主該國向中國所修貢獻典禮嗣後全行廢絕

第二款中國將管理下開地方之權所有堡壘軍器工廠及一切屬公物件永遠讓與日本

一下開劃界以內之奉天南邊地方從鴨綠江口抵安平河口又從河口劃至鳳凰城及營口而止畫成折綫以南地方所有各城市邑皆包括在劃界內該綫抵營口之遼河卽順流至海口止彼此以河中心爲界遼東灣東岸卽黃海北岸在奉天所屬諸島嶼一併在所讓境內

第三款地圖疆界俟本約批准互換之後兩國應各選派

官員二名公同劃界限一年竣事

第四款中國約將庫平銀二萬萬兩賠償日本軍費分八次交完第一次五千萬兩換約後六個月交清第二次五千萬兩十二個月交清餘款分六次按年交納又第一次賠款交清後未經交完之款應按年加每年加五之息

第五款換約後限二年之內地方人民願遷居者任便變賣限滿後尙未遷徙者宜視爲日本臣民又臺灣一省換約後兩國立即派員至臺限兩個月內交清

第六款兩國約章自此廢絕本約批准互換之後速派全權大臣會訂通商行船條約及陸路通商章程新訂約章

畫押後六個月內方可照派

第七款日本軍隊現駐中國境內者換約後三個月內撤回

第八款日本軍隊暫行占守威海衛第一第二兩次作抵押俟賠款交清通商行船約章批准互換周全妥善可允撤回軍隊但通商約章未批准以前雖交清賠款仍不撤隊

第九款換約後所有俘虜盡數交還由日本所還俘虜不加罪此次交仗所有關涉軍隊之中國臣民概予寬貸並飭有司不得擅爲逮繫

第十款本約批准互換日期應按兵息戰

第十一款四月十四日日本五月初八在煙臺換約

月約三條

一駐守威海之日本軍隊應不越一旅團之多軍隊需費自本約批准互換之日起每一周年貼交四分之一庫平銀五十萬兩

二在威海衛應將劉公島及威海口灣沿岸照日本法五里以內地方約合中國四十里以內爲日本軍隊駐守之區五里以內地方無論其何處中國軍隊不宜逼近以杜衅端

三日本軍隊所駐地方治理之務仍歸中國官員管理但遇有日本軍隊管理等事一經出示頒行中國官員亦當責日本駐守之地凡有關涉軍務之罪均歸日本軍務官辦理審斷

展期另款

一訂約停戰再展二十日

二四月十四夜十二點鐘屆滿如在期內無論彼此不允批准和約無庸告知即將此約作廢